

BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK

Broj: 07/2-15-_____/17
Bihać 14.03.2017. godine

Na osnovu člana 140. Poslovnika o radu Gradskog vijeća (“Službeni glasnik Grada Bihaća” broj 03/16), a u vezi sa članom 52., stav 1. tačka b. Statuta Grada Bihaća (“Službeni glasnik Grada Bihaća” broj 13/15), Gradonačelnik u svojstvu predlagača odluka i drugih akata:

O D R E Đ U J E

Izjestioca:

1. Alisa Mahmutagić, načelnik Službe za opću upravu i mjesnu samoupravu

Na 13 sjednici Gradskog vijeća i radnim tijelima prema prijedlogu tačke dnevnog reda:

- Prijedlog Odluke o kriterijima za utvrđivanje visine sredstava za rad i funkcionisanje mjesnih zajednica.

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK

Broj:

Bihać, 14.03.2017. godine

GRADSKO VIJEĆE BIHAĆ

Na osnovu člana 52. Statuta Grada Bihaća (“Službeni glasnik Grada Bihaća” broj 13/15) I člana 140. Poslovnika Gradskog vijeća Bihać (“Službeni glasnik Grada Bihaća” broj 3/16), Gradonačelnik Gradskom vijeću Bihać dostavlja na razmatranje rado donošenja

ODLUKE

o kriterijima za utvrđivanje visine sredstava za rad i financiranje mjesnih zajednica .

(Prijedlog)

Objasnenje

Pravni osnov

Pravni osnov za donošenje predmetne Odluke sadržan je u:

- članu 46 Zakona o lokalnoj samoupravi USK-a (“Službeni glasnik USK-a” broj 8/2011) kojim je propisan način finansiranja MZ-a
- članu 150 i 106 Statuta Grada Bihaća (“Službeni glasnik Grada Bihaća” broj 13/2015) kojim je propisana naknada za rad članova Savjeta i predsjednika Savjeta MZ-e, kao i sredstava rad MZ-e.

Razlozi za donošenje

Dana 30.04.2010. godine donešena je Odluka o kriterijima za utvrđivanje visine sredstava za rad i materijalne troškove mjesnih zajednica ("Službeni glasnik Grada Bihaća" broj 06/2010).

Kako je dana 06.11.2015. godine donešen novi Statut Grada Bihaća ("Službeni glasnik Grada Bihaća" broj 13/2015), to je bilo potrebno usaglasiti i revidirati zadnju Odluku o kriterijima za utvrđivanje visine sredstava za rad i materijalne troškove mjesnih zajednica sa odredbama Statuta Grada Bihaća.

Analogno tome, imajući u vidu navedeno, a u cilju nastavka kontinuiteta u radu Mjesnih zajednica Grada Bihaća pristupilo se izradi prijedloga Odluke o kriterijima za utvrđivanje visine sredstava za rad i financiranje mjesnih zajednica.

Financijska sredstva

Za realizaciju navedene Odluke obezbjedit će se sredstva u Budžetu Grada Bihaća.

Prijedlog

S obzirom na naprijed izloženo, kao nosilac izvršnih poslova u okviru samoupravnog djelovanja Grada, a u okviru nadležnosti utvrđenih Statutom Grada Bihaća, predlažem da Gradsko vijeće nakon razmatranja donese Odluku o kriterijima za utvrđivanje visine sredstava za rad i materijalne troškove mjesnih zajednica.

Gradonačelnik
Šuhret Fazlić

Prilog:

1. Kopija ranije Odluke o kriterijima za utvrđivanje visine sredstava za rad i materijalne troškove mjesnih zajednica

Na osnovu člana 106. stav 3. Statuta grada Bihaća („Službeni glasnik Grada Bihaća“ broj 13/15), Gradsko vijeće Grada Bihaća na 13. sjednici održanoj dana _____ 2017. godine, **donosi:**

ODLUKU
o kriterijima za utvrđivanje visine
sredstava za rad i funkcionisanje
mjesnih zajednica

I OPĆEODREDBE

Član 1.

Ovom Odlukom utvrđuju se kriteriji za ostvarivanje visine sredstava za rad i funkcionisanje mjesnih zajednica sa pripadajućim brojem bodova, način utvrđivanja visine sredstava za rad i funkcionisanje mjesnih zajednica namjenjenih u Budžetu grada Bihaća i druga pitanja od značaja za primjenu ove Odluke na području grada Bihaća.

II KRITERIJI I BODOVANJE

Član 2.

Kriteriji za utvrđivanje visine sredstava namjenjenih u budžetu grada Bihaća za rad mjesnih zajednica s pripadajućim brojem bodova su:

1) BROJ STANOVNIKA

0 - 2000	5 bodova
2000 - 4000	10 bodova
4000 – 6000	15 bodova
preko 6000	20 bodova

**2) AŽURNOST I EKSPEDITIVNOST U RADU PREDSJEDNIKA I SAVJETA
MJESNE ZAJEDNICE**

Dostavljanje traženih podataka	do 20 bodova
Dostavljanje planova rada i izvještaja o radu savjeta mjesne zajednice	do 20 bodova
Stepen godišnje realizacije plana	do 20 bodova
Stepen realizacije samoinicijativnih planova i programa	do 30 bodova

3) UDALJENOST MJESNE ZAJEDNICE OD SJEDIŠTA GRADSKÉ UPRAVE

Do 3 km	1 bod
Svako dalje povećanje od 3 km	1 bod

4) BROJ NASELJENIH MJESTA U SASTAVU MJESNE ZAJEDNICE

1 (jedno) naseljeno mjesto	1 bod
Svako sljedeće naseljeno mjesto	1 bod

5) UDALJENOST NASELJENIH MJESTA OD SJEDIŠTA MJESNE ZAJEDNICE

Naseljena mjesna zajednica u krugu od 5 km	1 bod
Mjesna zajednica za svako naseljeno mjesto više od 5 km	1 bod

6) BROJ ČLANOVA SAVJETA MJESNE ZAJEDNICE

5 članova	1 bod
7 članova	2 boda
9 članova	3 boda
11 članova	4 boda

**III UTVRĐIVANJE VISINE
SREDSTAVA ZA RAD I FUNKCIONISANJE
MJESNIH ZAJEDNICA**

Član 3.

Visina sredstava namjenjenih u budžetu grada Bihaća za rad i funkcionisanje mjesnih zajednica utvrđuje se na sljedeći način:

- 1) Iznos ukupnih planiranih sredstava namjenjenih za finansiranje rada i funkcionisanje mjesnih zajednica dijeli se ukupnim brojem bodova svih mjesnih zajednica kako bi se dobila vrijednost boda za tekuću budžetsku godinu.
- 2) Dobivena sredstva iz jednog kvartala se dijele na ukupan broj bodova svih mjesnih zajednica.
- 3) Dobivena vrijednost boda utvrđena na način u predhodnom stavu ovog člana množi se brojem bodova odgovarajuće mjesne zajednice kako bi se dobila visina sredstava namjenjenih za rad i funkcionisanje te mjesne zajednice.

IV UTVRĐIVANJE PROCENTUALNOG UČEŠĆA MJESNE ZAJEDNICE U SREDSTVIMA NAMJENJENIM ZA FINANCIRANJE ORGANA I TIJELA MJESNIH ZAJEDNICA NA PODRUČJU GRADA BIHAĆA

Član 4.

Visinu sredstava za financiranje organa i radnih tijela odgovarajuće mjesne zajednice utvrđenog na način iz prethodnog člana ovih kriterija dodaju se dvije nule (00).

Broj koji se dobije na način utvrđen u stavu 1. ovog člana dijeli se sa brojem kojim je označen ukupan iznos sredstava namijenjenih po budžetu Grada Bihaća u tekućoj budžetskoj godini za financiranje rada organa i radnih tijela mjesnih zajednica .

Količina dobivena na način utvrđen u prethodnom stavu ovog člana predstavlja procentualno učešće odgovarajuće mjesne zajednice u ukupnim sredstvima namijenjenim po budžetu Grada Bihaća u tekućoj budžetskoj godini za financiranje rada organa i radnih tijela te mjesne zajednice.

V PRIJELAZNE I ZAVRŠNE ODREDBE

Član 5.

- (1) Na osnovu ove Odluke gradonačelnik će na usaglašen prijedlog Komisije za lokalnu samoupravu i Službe opću upravu i mjesnu samoupravu, donijeti zaključak o visini i načinu isplate sredstava namijenjenih u budžetu Grada Bihaća za rad i funkcionisanje mjesnih zajednica na području Grada Bihaća.
- (2) Zaključak iz prethodnog stava donosi se kvartalno i obuhvata jednu četvrtinu ukupnog iznosa sredstava namijenjenih u budžetu Grada Bihaća za finansiranje rada i funkcionisanja mjesnih zajednica.

Član 6.

Ovom odlukom stavlja se van snage Odluka o kriterijima za utvrđivanje visine sredstava za rad i materijalne troškove mjesnih zajednica („Službeni glasnik Općine Bihać“ broj: 06/10)

Član 7.

Ova Odluka stupa na snagu osmog dana od objavljivanja u „Službenom glasniku Grada Bihaća“, a primjenjivati će se od dana 01.07.2017. godine.

Broj : 02-02-_____
Bihać 14.03.2017. godine

Predsjedavajući
Gradskog Vijeća
Davor Župa